



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Explanatio In Psalmos**

Complectens Psalmos à 126 ad 150

**Bellarmino, Roberto Francesco Romolo <Heiliger>**

**Dusseldorpii, 1765**

**VD18 15558428-001**

Psalmus CXXIX.

[urn:nbn:de:hbz:466:1-53443](https://nbn-resolving.org/urn:nbn:de:hbz:466:1-53443)

matura sit messis. Sic carentia benedictionis redundabit in ipsos impios, quibus non dicetur: *Benedictio Domini super vos*; nec dicetur: *Benediximus vobis in nomine Domini*; sed à Christo dicetur: *Ite maledicti in ignem æternum.*

PSALMUS CXXIX.

**T**itulus, & Argumentum: *Canticum graduum.*

*Hic Psalmus est unus ex gradualibus, quia deplorat miseriam exilii; unus est etiam ex pœnitentialibus, quia docet rationem agendi veram pœnitentiam. Pro defunctis quoque recitari solet in Ecclesiâ frequentissimè, quia si dicatur in personâ animæ in purgatorio detentæ, omnia optimè quadrant: nam & animæ illæ sunt in quodam profundo, & ascendere cupiunt, & exspectant misericordiam Dei per Redemptoris nostri pretium. In summâ tria continet, orationem ad Deum, exhortationem ad populum, & prædictionem redemptionis futuræ.*

*Ps. I. De profundis clamavi ad te Domine: Domine exaudi vocem meam.*

**B**

Ora-

Oraturus Deum, hoc, & sequenti  
 V. petit audientiam. Incipit à similitu-  
 dine hominis jacentis in imâ valle, vel  
 in profundo puteo, qui ut audiatur ab  
 iis, qui sunt in altissimo monte, mag-  
 nâ voce clamare debet: quæ similitudo  
 aptissima est; nam licet Deus sit ubique,  
 tamen ratione dissimilitudinis peccator  
 longissimè distat à Deo: Deus semper  
 justus, & beatus, & in altis habitat;  
 peccator semper malus, & miser, &  
 similis Jonæ, qui cum Deo noluisset  
 obedire, dejectus fuit in profundum  
 maris, imò in profundum ventrem ce-  
 ti, unde tamen clamans exauditus est à  
 Deo. Non ait David de *profundo*, sed  
 de *profundis*, duobus scilicet: nam ve-  
 rus pœnitens clamare debet ex profun-  
 do miseriæ, velut ex valle lacrimarum,  
 aut luto faciis; & ex profundo cordis,  
 seu intimâ cognitione propriæ miseriæ.

V. 2. *Fiant aures tuæ intendentes in  
 vocem deprecationis meæ.*

Non sufficit, ut quis magnâ voce  
 clamet, sed, ut audiatur, requiritur,  
 ut is, ad quem clamatur, attendat.  
 Deus etsi omnia videat, audiat; si tamen  
 non

non facit, quod petimus, quasi alia cogitans, non attenderet ad vocem orantis: ideo David omnino audiri cupiens, non contentus magnâ voce clamasse, rogat Deum, ut dignetur attendere, h. e. admittere preces, & donare, quod petitur.

*Ps. 3. Si iniquitates observaveris Domine, Domine quis sustinebit?*

Captatâ audientiâ, exponit petitionem suam, non nimis audacter, sed cum aliquâ convenienti ratione involutam. *Domine si iniquitates hominum observare volueris, omnes condemnabis;* quod cum non deceat infinitam bonitatem tuam, peto, ut peccata mea mihi condones, & de hoc profundo eruas, in quod me iniquitas sola demersit.

*Ps. 4. Quia apud te propitiatio est. & propter legem tuam sustinui te Domine.*

Vera pœnitentia duo requirit, cognitionem propriæ miseræ, sinè quâ medicina non quæritur, nec agitur pœnitentia; dein cognitionem misericordiæ Divinæ, sinè quâ cognitione desperatur venia, & pœnitentia inutilis agitur. *Ps. 1. 2. & 3.* ostendit se planè cognoscere

propriam miseriam; jam ostendit se nosse etiam misericordiam Dei maximam. Ait ergo: Licet nemo subsistere possit, si observare velis iniquitates nostras: ego tamen quia novi te ex natura misericordem esse, & scio, apud te inveniri propitiationem; & quia tu legem posuisti tibi, ut cum impœnitentibus severissimè te geras, cum pœnitentibus misericorditer, & suaviter, ideo *propter hanc legem tuam sustinui te Domine*, sperans, & expectans indulgentiam peccatorum.

*Ps. 5. Sustinuit anima mea in verbo ejus: speravit anima mea in Domino.*

Quod ego facio, omnis populus Dei faciat, nempe speret in Domino, cum in quocunque profundo fuerit: sive peccatis, sive peccatorum pœnis prematur; in Dei adjutorio confidat totâ die à primo manè usque ad noctem. Veteres dividebant noctem in quatuor partes, quarum quælibet continebat tres horas; & dicebantur custodiæ, seu vigiliæ, quia vigiles urbium, castrorum tribus horis vigilando custodiebant urbem, castra, ac tum tradebant alteri  
offi.

officium vigilandi, & custodiendi. *Custodia* igitur *matutina* est tempus à noctis horâ nonâ (prima noctis hora erat nostra hora sexta vespertina præcedentis diei) usque ad ortum Solis.

¶ 7. *Quia apud Dominum misericordia, & copiosa apud eum redemptio.*

Dat rationem, cur oporteat semper in Deo confidere, & simul prædicat redemptionem generis humani, quæ futura erat per JESUM Christum D. N. Porro redemptio *apud Deum* erat, non apud hominem, qui quidem se peccando vendere, & à Deo Diabolo subjici poterat; redimere tamen, & justitiæ divinæ satisfacere non poterat. Redemptio fuit *copiosa*, quia non tantum redimimur à captivitate, sed & evehimur ad hæreditatem Regni Cælestis.

¶ 8. *Et ipse redimet Israel ex omnibus iniquitatibus ejus.*

Redemptio, quæ erat apud Deum, tum planè manifestabitur, cum redimetur populus Dei, non, ut Judæi carnales exspectant, à potestate Regum temporalium, sed *ab omnibus iniquitatibus suis*. Quæ redemptio jam inchoata, perfe-

Etissimè complebitur in die iudicii, cùm liberabimur à peccatis, & à pœnis omnibus peccatorum, & à periculo deinceps peccandi.

## PSALMUS CXXX.

**T**itulus, & argumentum: *Canticum graduum.*

*David palàm enuntiat humilitatis suæ virtutem, non ut se jactet, sed ut ostendat, se, licet robore, potestate, sapientiâ, & opibus omnibus hominibus sui temporis in Palæstinâ excelleret, tamen non in suis viribus fiduciam unquam posuisse, & ideo debere omnes alios, ad ipsius exemplum, in solo Deo sperare, ut ait v. 5. Psalmus est ex gradualibus unus, quia docet, in quo humilitas vera consistat, & nulla est via securior ad ascendendum humilitate, dicente Domino: omnis, qui se humiliat, exaltabitur.*

*v. 1. Domine non est exaltatum cor meum, neque elati sunt oculi mei.*

Securus Propheta, quòd vera dicturus esset, Deum ipsum alloquitur, quem nemo fallere potest. Dicit autem co-  
ram